



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 22. lib. Genes. in quo describitur Abrahæ
obedientia in oblatione Isaac.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

Iatia, terrena tamen non respuant, non missa faciant, exclamantes
cum murmurantibus Israëlitis Num. II. In mentem nobis veniunt cucu-
meres, & pepones &c. O quantæ amentiæ indicium? vide Christiane
Lector: an non & tu hos inter reperiaris unus?



FASCICULUS VI.

Doctrinarum Moralium & Asceticarum.

Doctrina I.

Desumpta ex cap. 22. lib. Genes. in quo describitur Abraham obedientia in oblatione Isaac.

Considera:

Quam obsequiosus fuerit Abraham divino Præcepto, N.34.
tam difficilem & naturæ tam contrariam rem con-
tinenti: enim verò non exspectavit solis ortum, sed
altâ etiamnum nocte abiit ad locum, mactando filio designatum.
Verus obediens non attendit, teste Bernardô de præc. & disp. Quale præcipi-
tur, hoc solum contentus, quia præcipitur: hinc Abrahamum imitatus qui-
dam Monachus, ut referunt vitæ PP. lib. 4. Filium, à se priùs legiti-
mè in sæculo genitum, ab Abbe suo jussus in furnum ociosus proje-
cit; sed divinâ virtute illæsum extraxit. Scipio Africanus bellum
gerens, ostendit viros armatos, quos secum habebat, turrimque præ-
celsam in mari positam, asserens: nullum ex militibus adesse, qui
non celerius concensâ turri in mare se præcipitem daret. Pausanias
græci agminis Imperator, cum inter sacrificandum Mardonius Dux
Persarum inexpectatō impetu irrueret, suos omnes abjectis armis &
clypeis, quibus se defenderent, jussit quiescere, nec priùs hostem depel-
lere, quam pugnæ signum audirent: quod à singulis tam exactè præ-
statum est, ut licet plurimi eorum caderent inulti, nullus tamen in-
veniretur, qui non auditō priùs signō hosti sese opponeret. O Chri-
stiane Lector! quomodo confunderis, non tantum Abrahami viri
sanctissimi, sed etiam barbarorum exemplis, qui superiorum jussa dis-
scute-

scutere, & tanquam impletu nimis gravia arguere soles. *Species contumacia est, ait Petrus Bleſ. Epift. ad Priorem de modo mandati inquirere, hafitare, discernere, aut differre: in contractu enim obedientie non habet disputatio aut disceptatio locum; nam si in discussionem seu suspicionem ea, que tibi sunt mandata deduxeris, ad lignum scientie boni & mali manum prævaricationis extendis.* Aurum etſi metallorum omnium maximè densum sit, maximè tamen omnium tunſile, fusile ac ductile est, etiam in minutissimas partes & folia extendi ſe patiens, fundique in omnem typum & figuram. Talem oportet eſſe veræ obedientia alumnum: tundat ſuperior, premat, ducat, findat, fundat, gravia aut levia imperet, ad omnem nutum & imperium ſe illicò obsequiolum exhibeat ſubditus. Hoc erat tribulato Job in extremis ſuis calamitatibus unicum ſolatium cap. 1. v. 21. *Sicut placuit Domino, ita factum eſt.* Quasi diceret: voluit Deus, ſuperior meus, ferri à me gravissimas hasce arumnas, & ecce! lubenti animo ſuſtuli omnes, nunquam auditus conqueri gravitatem mandati, rigorem imperantis, aut excusare virium mearum imbecillitatem. *O virum!* exclamat S. Hieron. Epift. ad Demetr. ante Evangelium Evangelicum, & Apostolicum ante precepta Apostolica diſcipulum Apoſtolorum. Quæſo: quam heroicam præstisſet obedientiam, ſi vidifſet Salvatorem ſuum ex obedientia captum à Judæis, falſo ac culatum, flagellis cæſum, spinis coronatum, & tandem infami cruce ſuſpensum? nōnne cœli in motibus ſuis ſunt contrarii, & tamen omnes ad unius ſuperioris ſui nutum in ſtupendam conſpirant harmoniam? nōnne elementa quoad ſitum & qualitatem notantur diuersiſſima, & tamen ad ſupremi illius Architecți imperium illicò conjungunt ſingulas vires, ut universi conſervent machinam? an non in te ipſo reperis quoddam diſcordantium humorum chaos, & tamen ad unicum mandantis Domini verbulum fiat pulcherriſſum ſurgit mixtum, per concordiſſimas diſcordias formatum? *Ipſe dixit, & ſacta ſunt.* Psal. 148. De te verò Christiane Lector audiatur, ſuperior dixit, & ſacta non ſum? quia videbantur genio tuo non ſapida, naturæ tuæ non nihil contraria, impletu diſſiciliora?

N.35. Considera 2. *Quod ſicut Abraham vietiā ſuā honoraturus Deum iuſſerit in pede montis ſervos cum Aſino ſubſiſtere, & ipſe ſolus ascenderit montem cum filio: ita oporteat, nos Deum per præces & ſacrificia accessuros, ſepone priuom comitatum reſum temporalium, quarum memoria obſiſtere poſſit menti, in ſolum Deum*

Deum tunc temporis elevandæ. Ut enim cordæ instrumenti musici digitō tactæ diu resonant, nî iterum tactæ compescantur; ita cogitationes, de temporalibus negotiis habitæ, in nostra mente tinnitus relinquunt, qui devotioni obstrepant, nî ante orationis initium contrariis cogitationibūs expellantur. Hoc ipsi noverant Gentiles; hinc Templa ingressuris legendum objiciebant isthuc proverbium: *Adoraturi sedent*. Parī de causa Deus Hebræis imperat: calceos depontant, sacras ædes frequentaturi, cogitationes videlicet terrenis ab occupationibus sordidas abigant, quando cogitant, Deo per orationem loqui. In hunc denique finem Sacerdotes Catholici altiori non nihil voce sacra inchoant, dicendō: *Oremus*, ut sic præsentium animos excitent, mentemque à terrenis abstractam in solum transferant Deum: quid enim oratio, nisi elevatio mentis in Deum?

Doctrina 2.

Desumpta ex cap. 23. lib. Genesis, in quo describitur Mors Saræ, plancus Abrahami, emptio sepulchri & ipsa sepultura.

Considera: **Q**uanta cura fuerit Abrahamo pro cadavere Saræ uxo- N.36. **R**is sux: dum illud noluit inferre sepulchris Gentilium, sibi ultrò oblatis, ratus: injuriosum fore, tam piæ & fidelis fœminæ corpus conjungere cadaveribus impiorum; specialem ergo pro ea habiturus sepulturam, magnos impendit sumptus emendō agrum Hethæi. O Christiane Lector! si Abraham tam sollicitus existit pro digna requie cadaveris Saræ, in cineres reſolvendi: quantam curam te habere oportet pro requie animæ tuæ, post mortem corporis æternum victuræ; ne illa damnatis in Inferno associata, injuriam patiatur, nullis unquam lacrymis sat deflendam? sit ergo præcipuum tibi in hac vita negotium: tot bonorum operum & meritorum siclos colligere, quot requirit emendus ager ille, quem Venalem exponit Divinus ille Hethæus Christus Dominus. Et hem! tam levè pretiō comparari poterit, ut regius Vates testetur Psal. 55. *Pro nibili salvos facies illos.* Unicō tantum liberali prandiō Martha soror Magdalænae illum emit, & Josephus ab Arimathæa accommodato tantum sepulchrō. Audi Augustinum in Psal. 49. *Quid tam vile, afferit ille, quam frangere panem eſurienti? tanti valet Regnum Cœlorum.* Audi Petrum

F

Chry-